

Լ. Գ. Խաչերյան

ՊԱՐԱԳԱՅԱԿԱՆ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐԸ
ԳՐԱԲԱՐՈՒՄ

Դասական հայերենում հանդես են գալիս այնպիսի նախադասություններ, որոնք միմյանց նկատմամբ շարահյուսական բազմապիսի հարաբերությունների մեջ են գտնվում. սակայն այդ հարաբերությունները դրսևորելու համար նրանցում չեն օգտագործվում ձևարանական հատուկ միջոցներ՝ շաղկապներ կամ հարաբերական բառեր: Նման կառուցվածք ունեցող նախադասությունները շարահյուսագիտության մեջ կոչվում են անշաղկապ բարդ նախադասություններ:

Անշաղկապ բարդ նախադասությունները նույնպես ունեն իրենց ձևն ու բովանդակությունը, որոնք արտահայտվում են յուրահատուկ կերպով: Անշաղկապ բարդ նախադասությունների ձևն ստեղծելուն բանավոր խոսքում մեծապես նպաստում և նույնիսկ, կարելի է ասել, վճռական ու որոշիչ նշանակություն է ունենում առոգանությունը, որի շնորհիվ պարզ նախադասությունները զրկվում են իրենց անկախ և ինքնուրույն վիճակից, ձեռք բերելով ներքին միասնություն և իմաստային սերտություն: Իսկ գրավոր խոսքում (որը մեր ուսումնասիրության բուն առարկան է) պարզ նախադասությունների կապակցման ձևական արտաքին ցուցանիշների բացակայությունը հենց է՝ անշաղկապ բարդ նախադասությունների ձևը:

Մասնավորելով մեր խոսքը ստորադասական բնույթ կրող անշաղկապ բարդ նախադասությունների մասին, նկատում ենք, որ նրանք բովանդակության տեսակետից բնորոշվում են զլխավոր և երկրորդական մասերի շարահյուսական կախվածությամբ և պայմանավորվածությամբ: Գրավոր խոսքում պարագայական (ինչպես և առհասարակ) անշաղկապ նախադասությունների ձևանշման և նրանց բնույթի որոշման ու դասդասման հիսք է ծառայում հենց այդ զլխավոր և երկրորդական նախադասությունների շարահյուսական ներքին փոխհարաբերությունը, որը բացահայտվում է ստորադասական հարաբերությամբ՝ կախվածությամբ ու պայմանավորվածությամբ:

Հատկանշական է այն, թե քերականական ի՞նչ միջոցներ են օգտագործվում անշաղկապ բարդ նախադասությունների կառուցման համար: Նշենք, որ շաղկապավոր և հարաբերական բառեր ունեցող բարդ նախադասությունների կազմությանը մասնակցում են ոչ միայն իրրև ձևական ցուցանիշներ գործող շաղկապներն ու հարաբերական բառերը, այլև զլխավոր և երկրորդական նախադասությունների շարահյուսությունը, դերանունների և եղանակավորող բառերի առկայությունը, բայական եղանակների և ժամանակների հատուկ կիրառությունը, առոգանությունը և այլն: Սակայն քերականական այդ միջոցների դերն ու նշանակությունը երբևէ չէ նույնական չեն. եթե շաղկապներն ու հարաբերական բառերը, իրրև երկրորդական նախադասությունները զլխավորին կա-

պակցող և նրանց շարահյուսական ֆունկցիան որոշող միջոցներ, առաջնակարգ, վճռական նշանակություն ունեն շաղկապավոր բարդ նախադասությունների դեպքում, ապա շարահյուսությունը, բայական եղանակների և ժամանակների նշանակությունը, առոգանությունը և այլն համեմատաբար օժանդակ, նպաստող քերականական դեր են կատարում այս կամ այն շարահյուսական ֆունկցիան զրահորելու համար:

Միևնույն ժամանակապես բարդ նախադասությունների դեպքում՝ ընդհանրական, առաջնակարգ ու որոշիչ նշանակությունն են ձևոր բերում շարահյուսությունը, բայական եղանակների և ժամանակների խաղացած դերը, առոգանությունը և այլն: Ի դեպ՝ անշաղկապ բարդ նախադասությունների կառուցման ժամանակ քերականական միջոցների աղքատությունը, մանավանդ ձևական ցուցանիշներն, բացակայությունը, սահմանափակում է իմաստային երանգների ճոխությունն ու նրբությունը, որոնցով առանձնապես հարուստ են շաղկապավոր բարդ նախադասությունները: Բացի դրանից, երբեմն նույնիսկ դժվար, այլևս անհասկանալի է լինում անշաղկապ բարդ նախադասության բնույթը որոշել՝ նրա դիսալոր և երկրորդական նախադասությունների միջև առկա շարահյուսական կախվածությունն ու պայմանավորվածությունը շատ թույլ արտահայտված լինելու պատճառով: Իկյ նշանակում է, որ անշաղկապ նախադասությունների շարահյուսական ներառությունները չափազանց սահմանափակ են՝ շաղկապավոր բարդ նախադասությունների համեմատությամբ: Ավելին, այստեղ պետք է հաշվի առնել նաև դասական հայերենի շարահյուսական կառուցվածքի առանձնահատկությունը, գրաբարի ծաղկման շրջանի հայերենը նախադասություններ կազմելիս աչքի է ընկնում շաղկապների օգտագործման առատությամբ և նույնիսկ ծայրահեղ ծանրաբեռնվածությամբ: Գրաբարում համարյա բոլոր նախադասությունները (անկախ նրանից, թե խոսքը վերաբերում է նոր սկսվող պարբերության կամ նախորդ ասված մեղ հայտնի երևույթի, եղելության, և կամ արդեն ավարտված մտքին նախորդող թե հաջորդող նախադասություններին) սկսում են շաղկապներով, նույնիսկ շատ անգամ ստորադասական շաղկապով սկսվող բարդ նախադասության կառուցվածքը կիսավարտ է լինում, երկրորդական և դիսալոր նախադասությունների միջև համադասական շաղկապի անհարկի միջամտության պատճառով: Այս երևույթը գրաբարի խոշոր հատկանիշերից է: Այստեղ նաև ուժ. Չալրիսյանը մասամբ բացատրում են երբաբաններին (նաև առամերենին) աղքատությունը, երբ աստվածաշնչի դասական հայերենով խոսվածության մեջ յուրաքանչյուր նախադասության սկսվում էին շաղկապի անհարկությամբ: Ասվածից հետևում է, որ դասական հայերենում շաղկապների առատ կիրառությունը, անկասկած, հանդիսացել է այն հիմնական առաջնություններից, որ անշաղկապ բարդ նախադասություններ հանդես գտն իրենց բոլոր տարատեսակներով: Ենելով այս հանգամանքից, պարագայական անշաղկապ բարդ նախադասությունները նկարագրելիս, մենք կանգ կառնենք դրանցից առավել տիպական և բնորոշ տարատեսակների վրա, որոնք իրենց զրահորմամբ համեմատաբար հաճախակի են:

¹ Երբայական ոճով շատ հաճախ է կ-ի գործածությունը. որ ուրիշ շաղկապներով և հարաբերականներով աեղ ալ կգրվի, Վ. Չալրիսյան, Գերականութիւն Հայկական լեզուի, Վիեննա, 1885, էջ 159:

ԺԱՄԱՆԱԿԻ ԱՆՇԱՂԿԱՊ ՆԱԽԱԳԱՍՈՒՅՈՒՆՆԵՐ

Ժամանակի անշաղկապ երկրորդական նախադասություններ շատ սակավ են կիրառվում դասական հայերենում, հակառակ այն ակներև փաստի, որ շաղկապավոր ժամանակի պարագա նախադասությունները իրենց բաղմազանությամբ ու ժամանակային հարաբերությունների բացահայտման հարուստ նյութերանդներով եղակի տեղ են զբաղում պարագա երկրորդական նախադասությունների համակարգում:

Ժամանակի անշաղկապ երկրորդական նախադասությունների հազվագյուտ լինելը կարելի է բացատրել երկու հանգամանքով. առաջին՝ ժամանակային ամենատարբեր հարաբերություններ նշելու համար լեզուն անպայման կարիք ունի սպասարկու բառերի, ուստի և այլ կերպ նրանք չեն կարող դրսևավել: Հենց այդ է պատճառը, որ ժամանակի անշաղկապ նախադասությունները զրկված են ժամանակային տարրեր հարաբերություններ ցույց տալու հնարավորությունից և նախասահմանված են միայն մեկ ժամանակային հարաբերություն արտացոլելու ունակությամբ. այլ կերպ ասած՝ նրանք նկարագրում են միմիայն ժամանակային հաջորդականություն, ըստ որում այդ հաջորդականությունն էլ մեծ մասամբ ստորադասական բնույթ է կրում: Նշանակում է, որ զխավոր նախադասության զործողության կատարման ժամանակը բացահայտվում և որոշվում է միայն երկրորդական նախադասության շնորհիվ:

Երկրորդ, ժամանակի տրոհվող պարագայի բնույթ է կրում այն դերբայական դարձվածները, որոնք իրենց կազմում ունեն ի և ընդ նախդիրով անորոշ դերբայի հայցական: Հայտնի է, որ պարարը հարուստ է եղել նախդիրներով, որոնք չափազանց մեծ դեր են կատարել դասական հայերենի շարահյուսական համակարգում և կիրառության խիստ օրինաչափ բնույթ են ունեցել: Հայոց լեզվի պարագայում, սակայն, ընթացել է այդ նախդիրների հետագա կրճատումը և ի վերջո անհետացումը:

Ինչպես կարելի է նկատել դասական հայերենի լեզվական փաստերից, ի և ընդ նախդիրներով և անորոշ դերբայի հայցականով հանդես եկող դերբայական դարձվածները, որոնք լինելով զուտ ստորոգյալի ձևարանական արտահայտությունից, աշխարհարար թարգմանելիս մերթ ընկալվում են իբրև տրոհվող ժամանակի պարագա, մերթ էլ ուղղակի իբրև ժամանակի պարագա երկրորդական նախադասություններ: Ինքնին հասկանալի է, որ նման կառուցվածքի դերբայական դարձվածները հիմնականում իրենց վրա վերցնելով անշաղկապ ժամանակի պարագա երկրորդական նախադասությունների ֆունկցիան, զգալապես նվազեցնում են բուն անշաղկապ ժամանակի պարագա հանդիսացող նախադասությունների դրսևորման հնարավորությունը: Համեմատի՜ր.

«Տգլտ և անընտրող առաջնորդ՝ ի բժշկելն խոցէ, և յուզվելն խորտակէ. ի սիրոյ տեղ՝ ատուլութիւն ցուցանէ, և յատուլութեան՝ դսէր. և խառնափնդորելով զեղբարսն անվաստակ հանէ» (Եզն., ԵԱ, 218):

«Ի նուանել իւրեանց ձայնիցն, իրքն յայտնեալ հոչակ հարկանէր» (Իսւղ. ՊԶ, 189):

«Ընդ ուռառտանայն ծածկեցաւ տեսիլն» (Ագաթ., ՊԶ, էջ 392):

Սակայն ժամանակի բուն անշաղկապ երկրորդական նախադասությունները դասական հայերենում արտահայտվում են հիմնականում երկու եղանակով.

ա) Գլխավոր նախադասության ստորոգյալը, իբրև կանոն, արտահայտված է լինում անցյալ դերբայով և չի ժխտական մասնիկով ու ևս ժամանակի մակբայով, ըստ որում երկրորդական նախադասությունը ցույց է տալիս այնպիսի գործողություն, որը կատարվում է գլխավոր նախադասության ընթացքի մեջ և դրա գործողության որևէ մի մոմենտում: Շարադասության տեսակետից նման կարգի անշաղկապ բարդ նախադասություններում իբրև գլխավոր նախադասություն հանդես է գալիս առաջադաս նախադասությունը, իսկ երկրորդական՝ վերջադաս նախադասությունը:

«Եւ իջեալ գունդն Հայոց ի Վիրս և բանակեալք յառաջադրեալ տեղիսն, և չէ ևս անցեալ աւուրք երեք կամ չորք՝ զայլո հասանէր Միհրան և բանակէր դէմ յանդիման բանակին Հայոց, մօտ ի բանակն յայնկոյս գետոյն, զոր Կուր գետն անուանեն» (Փարս., 133):

Ուշագրավ է, որ երկրորդական նախադասության բազմակի ստորոգյալները թեև գրվել են սահմանական և դանակի անցյալի անկատարով, սակայն չեն կիրառվել իրենց բուն նշանակությամբ. նրանք հանդես են եկել սահմանական և դանակի անցյալ կատարյալի (աորիստի) համարժեքով:

բ) Ժամանակի անշաղկապ պարագա նախադասությունների առավել հասկանալի տարատեսակը նրանք են կազմում, որոնք լինելով պարզ նախադասությունների ներքին միասնություն ունեցող հաղորդումներ, միմյանց նկատմամբ շարահյուսական կախվածություն և պայմանավորվածություն են հանդես բերում. գլխավոր նախադասության ժամանակը բացահայտվում է միայն երկրորդական նախադասության գործողության ժամանակով. ըստ որում նման նախադասությունները թեև ևրևութապես մոտենում են համադասական նախադասություններին, սակայն միայն առաջին հայացքից այդպիսին են. իրականում այդ պարզ նախադասությունների միջև և դառ շարահյուսական հարաբերությունը միանգամայն անհամապատասխան է ստորադասական, բնույթ ունի բացի այդ, գլխավոր է համարվում այն նախադասությունը, որը հետագայ է լինում, իսկ երկրորդականը, իբրև կանոն, միշտ նախադաս:

«Տեսանիցես զխաղս և զխնճոյս ալլոց, զկախուս և զկտորիսն, յիշես չիր զնորա արտասուսն» (Ոսկ. հ. 1, 660):

«Կոխեսցուք զխայթոցս շարականութեան, անձանց օգուտ գործեմք, սիրելիք, ի մեր գլուխ առնումք զպսակն» (Ն. տ. 653):

Նրբեմն պատահում են նաև այնպիսի անշաղկապ նախադասություններ, որոնք իրենց բնույթով պայմանա-ժամանակային հարաբերություն են նշում. այդ դեպքում մեծ մասամբ երկրորդական նախադասությունը հարցական բնույթի կրում:

«Կամիցի՞ս ուրախ առնել, տրտմեաց ընդ յաղթութիւն և զլուրն որ նմա յաղթեաց, զնորա տրտմութիւն փարատես քո խոթոռութեամբն» (Ոսկ. հ. 1, 651):

ՊԱՅՄԱՆԻ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐ

Պայմանի անշաղկապ նախադասությունների կառուցման համար հիմնական ու որոշիչ դեր են կատարում գլխավոր և երկրորդական նախադասությունների ստորոգյալների բնույթը, նրանց և դանակային և ժամանակային տարրերը:

հարաբերութիւնները, ինչպէս նաև շարադասութիւնը, մասամբ էլ երկրորդական նախադասութեան հարցական լինելը:

ա) Ընդհանուր օրինաչափութիւն է, որ պայմանի անշտկապ երկրորդական նախադասութիւնները միշտ, որպէս կանոն, գրվեն առաջադաս, իսկ զլխավոր նախադասութիւնները՝ հետադաս:

«Կամի՞ս զեղեցիկ երեւել, զգեցիր զողորմութիւն, զգեցիր զմարդասիրութիւն, զգեցիր զցածութիւն և զանհալարտութիւն» (Ոսկ. հ. 1, 641):

«Թլփատեա՞լ ո՞վ կոչեցաւ, մի ցանկասցի անթլփատութեան. յանրլփատութեան՞ ո՞վ կոչեցաւ, մի թլփատեսցի» (Թուղթ առ Կորնթ. է, 18):

բ) Այս տիպի անշտկապ բարդ նախադասութիւններում զլխավոր նախադասութեան ստորոգյալը սովորաբար հրամայական եղանակով է գրվում՝ մերթրուն (ներկա) հրամայականով, մերթ էլ արգելականով:

«Թշնամանի՞չ ես և բամբասող և բանսարկու, գրեա՛ քեզ առանձին օրէնս, մի բարկանաւ և մի աղաղակեւ մենեհին, և զոյգ ընդ արմատոյն և պտուղն ես ի բաց բարձեալ լինի: Գէ՞ճ իցես և անառակ, զի՛ր դարձեալ քեզ սահման առ ի չհայեւոյ քեզ ի գեղ կանանց, և մի ի թէատրոն ընթացիս և մի ի հրապարակի զգեղ օտար զննիցես» (Ոսկ. հ. 2, 136):

Շատ հազվագեպ պատահում է նաև հորդորական հրամայականով (ապառնի):

«Ուսուցիչ ինչ կամիցիս լինել, ուսջիւր նախ զհանդարտութիւն. այլ մինչև քո քեզ յաղթեալ իցէ, այլում իշխան լինել մի յօժարեր» (Եւագր, 60):

Եզակի դեպքերում հանդիպում է նաև սահմանական եղանակի ներկա անկատարով:

«Մտանես ողորմութիւն առնուլ, պարտիս նախ դու ողորմել» (Ոսկ. հ. 1, էջ 177):

գ) Երկրորդական նախադասութեան ստորոգյալը համեմատաբար ազատ է. նա կարող է զրվել սահմանական եղանակի ներկա անկատարով:

«Բարեմտութեամբ կամիս կեալ զկեանս քո, մի ընդ բազումս անկանիր» (Եւագր, 59—60):

«...չկարե՞ս անձրե ածել, մի բամբասիցես, չկարե՞ս կերակրել, մի թշնամանիցես» (Ոսկ. հ. 1, 54):

Երկրորդական նախադասութեան ստորոգյալը կարող է հանդէս գալ նաև ստորադասական եղանակի 1-ին ապառնիով:

«Կամիցի՞ս գիտել և այլ միւս ևս այսր շարութեան հաղորդակից, հայեաց ընդ Դաւիդա» (Ոսկ. հ. 2, 616):

Երկրորդական նախադասութեան ստորոգյալը կարող է հանդիպել նաև բաղադրյալ ժամանակով, վաղակատար-հարակատար ներկա բայաձևով:

«Կապեա՞լ ես ի կին, մի խնդրել արձակել. արձակեա՞լ ես ի կնոջէ, մի խնդրել կին» (Թուղթ առ Կորնթացիս Ա, գլ. է, 27):

Իրր խոսքը վերաբերում է անցյալ ժամանակակետում կատարված փաստի կամ պայմանի անկախութեանը, ստորոգյալը կարող է սահմանական եղանակի անցյալ կատարյալ ժամանակով գրված լինել:

«...ուրացաւ զդիրս, գոնեա ի դիւաց պատկառեա» (ՍԵՊՃ, 153):

«Մատա՞լ կոչեցար, մի փոյթ լիցի քեզ» (Թուղթ առ Կորնթ. Ա, գլ. է, 21—22):

դ) Ինչպէս կարելի է նկատել վերորեքյալ օրինակներից, երկրորդական նախադասութիւնների գերակշիռ մասը արտա յայտված է հարցական բնույթով:

Այդ նշանակում է, որ անշաղկապ պայմանի նախադասությունները հարց-պատասխանային առոգանություններ են օժտվել. երկրորդական նախադասություններ տրված հաղորդումը ենթադրվում է իրեն թեկան պայման, այդ պատճառով էլ հարցական բնույթ է կրում, իսկ գլխավոր նախադասություններ տրված հաղորդումը անմիջական պատասխանն է հանդիսանում այդ թեկան պայմանի՝ հենց պատասխանի մեջ էլ պարփակելով երկրորդական նախադասությունից բխող հնարավոր եղրակացությունը (տե՛ս վերևի օրինակները):

ե) Անշաղկապ պայմանի բարդ նախադասություններում երկրորդական և գլխավոր մասերի ստորոգյալները մեծ մասամբ դրվում են երկրորդ դեմքով. այս հանգամանքը նույնպես ուշագրավ է, որովհետև այն առավել անմիջական և կոնկրետ բնույթ է հաղորդում պայմանի շարահյուսական իմաստին (համեմատել՝ վերևի օրինակները):

ՊԱՏՃԱՌԻ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐ

Դասական հայերենում համեմատաբար շատ են հանդիպում պատճառի անշաղկապ նախադասություններ: Այդ տիպի բարդ նախադասություններում գլխավոր և երկրորդական մասերը սոսկ իրենց ներքին իմաստային հարաբերությամբ պատճառ-հետևանքային շարահյուսական հասկացություն են արտահայտում: Նման կառուցվածքի դեպքում գլխավոր նախադասության գործողությունը ստացվում է իրեն արդյունք, հետևանք մի: այլ գործողության, որը արարված է երկրորդական նախադասության մեջ. վերջինս պատճառ է հանդիսանում առաջինին: Պետք է ընդգծել, որ շարահյուսությունը այս տիպի բարդ նախադասության մասերի միջև խստիվ կայուն է. պատճառային հարաբերությունը ցույց տվող երկրորդական նախադասությունը միշտ գլխավորին հետագա է լինում: Այս կանոնը այնքան օրինալուծ է, որ պատճառ-հետևանքային անշաղկապ նախադասությունների կառուցման մեջ շարահյուսությունն է վճռական դեր կատարում. եթե փոխենք շարահյուսությունը՝ երկրորդական նախադասությունը առաջադաս դարձնելով, գլխավորը՝ հետագա կլինի: Նույն նրանց շարահյուսական ֆունկցիան, այս անգամ գլխավոր նախադասությունը կկատարի պատճառի երկրորդական նախադասության պաշտոնը, փակ երկրորդականը՝ նրա գործողությունից իբրև հետևանք առաջացող գլխավոր նախադասություն: Համեմատիր՝

«Որդի իմ ես դու, ես այսօր ծնայ գրեզ» (Ռուդի առ Երրայեցիս, զլ. Ա, 5):

«Ես այսօր ծնայ գրեզ, որդի իմ ես դու»:

Մեծ մասամբ պատճառի անշաղկապ նախադասություններ են կազմվում, երբ գլխավոր նախադասության ստորոգյալը արտահայտում է ներքին հուզաշխարհի որևէ զգացական ապրում, իսկ երկրորդական նախադասությամբ տրվում է նրա պատճառաբանությունը:

«Մի երկնչիր, Աբրահամ, ես վերակացու եղեց քեզ, և վարձք քո բազում եղիցին յոյժ» (Մունդր, գլ. 36, 1):

«Երկնչիմ ի ձեռք, գուցե թէ ի դուր ինչ վատտակեցի ի ձեզ» (Ռուդի առ Գաղատացիս, զլ. Դ, 11):

«Լացցում պիմ... այս լալումն առաքինությունն է, և այն անօգուտ մտաղ» (Ոսկ. հ. 1, 498):

Պատճառահետևանքային հարաբերությունն նշող անշաղկապ բարդ նախադասության գլխավոր և երկրորդական մասերի ստորոգյալները միայն դիմավոր բայաձևերով են լինում, իսկ ղերության ձևերը համարյա թե բացառվում են, ըստ որում դիմավոր բայաձևերով արտահայտված ստորոգյալներն, իրենց եղանակային և ժամանակային կիրառությամբ, ազատ են: Համեմատիր «Եւ արդ այդպէս մեղմելսես, չգիտես թէ այդպիսի բանք պատճառք արծաթասիրութեան» (Ոսկ, հատ. 1, 242):

«...և ասէ ցՍիմովն Յիսուս, Մի երկնչիւ, յայսմ հետէ զմարդիկ որսացես ի կեանս» (Ղուկ. գլ. Կ, 10):

ՆՊԱՏԱԿԻ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐ

Անշաղկապ բարդ նախադասությունների մեջ առավել մեծ տարածում ունեն նպատակի նախադասությունները, որոնք իրենց ձևավորմամբ հետևյալ առանձնահատկություններն ունեն. գլխավոր նախադասությամբ նկարագրվում է մի գործողություն կամ եղելություն այն իմաստով, որպեսզի հաջորդ (երկրորդական համարվող) նախադասության մեջ հաղորդվող գործողությունը կամ եղելությունը փրագործվի. ըստ որում նպատակի շարահյուսական իմաստը բացահայտվում է սուկ գլխավոր և երկրորդական նախադասությունների ներքին իմաստային հարաբերությամբ, ինչպես նաև դիմավոր բայաձևերի հատուկ կիրառությամբ:

Անշաղկապ բարդ նախադասության գլխավոր մասի ստորոգյալը կարող է ազատ լինել եղանակային և ժամանակային հարաբերության տեսակետից, սակայն երկրորդական նախադասությունը, որը կատարում է նպատակի շարահյուսական ֆունկցիա, որպես կանոն, պետք է անպայման ստորադասական եղանակի 1-ին կամ 2-րդ ապառնիով զրկված լինի: Այդ նշանակում է, որ նպատակի իմաստը դրսևորելուն, իրեն քերականական հիմնական միջոց, ծառայում են բայաձևերի միայն ըզմական իմաստով կիրառված ստորադասական եղանակը և ապառնի ժամանակը:

«Ապաշաւեա դու ի շարեալոց քոց յայդցանէ, և աղաչեա զՏէր, Բերես քողովքիմ լիցի քեզ ի մեղմելս խորհրդոց սրաւ քո» (Գործք ևնաքելոց. գլ. Ը, 22):

Ուշագրավ է երկրորդական նախադասության կազմում Բերես եղանակավորող բառի առկայությունը, որը նպատակի շարահյուսական իմաստին հաղորդում է հնարավորության իմաստ:

«Մի կարի յաճախեր ոտիւք քովք առ բարեկամ, գուցէ յագիցի քև և ատիցէ զքեզ» (Առակք Սող., գլ. ԻԵ, 17):

«Եւ ասէ Աբրահամ, Զգոյշ լեր, մի դարձուցանիցես դորդի իմ անդր» (Ծնունդը, գլ. ԻԴ, 6):

Վերջին օրինակում մի մասնիկը պարզապես հավասար օգյտեղ ոչ, չ... ժխտականին և իր բայի բնույթը երբեք չի փոխվում նրա առկայությունից և չի վերածվում հրամայականի, այլ մնում է ըզմական եղանակի ժխտական իմաստով («վերադարձնել շտապ»):

Եթե երկրորդական նախադասության ստորոգյալը արտահայտված լինի սահմանական եղանակի ներկա անկատարով, ապա վերջինս նպատակի շարահյուսական ֆունկցիան կատարելիս ոչ թե հանդես է գալիս իրեն այդպիսին:

իր բուն արժեքով, այլ՝ 1-ին կամ 2-րդ ապառնու փոխարեն, ըղձական եղանակի ապառնի ժամանակի համարժեքով, չամեմատի՛ր՝

«...կտրեա ի բաց զարմատն, չի՛նի պտուղ» (Ոսկ. հ. 1, 505):

ՀԵՏԵՎԱՆՔԻ ԱՆՇԱՀԿԱՊ ՆԱԽԱԴԱՍՈՒԹՅՈՒՆՆԵՐ

Հետևանքի անշաղկապ նախադասությունները նույնպես հարազատ են դրաբարի դասական շրջանի շարահյուսական համակարգին: Այդ կառուցվածքն ունեցող բարդ նախադասություններում գլխավոր մասի ստորոգյալով տեղի է ունենում այնպիսի գործողություն, որից իբրև հետևանք բխում է երկրորդական նախադասության գործողությունը: Պետք է նշել, որ այս տիպի բարդ նախադասությունները իրենց շարահյուսական իմաստով շատ սերտ առնչություն ունեն համադասական բարդ նախադասությունների հետ և նրանց այդ ընդհանրությունը այնքան ակնբախ է, որ շատերը դրանք համարում են ուղղակի համադասական բնույթի նախադասություններ: Այդ տեսակետի հիմնավորման համար նրանք ելնում են այն հանգամանքից, որ հետևանքի երկրորդական նախադասությունը չի լրացնում գլխավոր նախադասության որևէ անդամին, ուստի և չի կարող «կրճատվել» կամ «պարզվել»: Սակայն մենք գիտենք, որ բարդ ստորադասական նախադասության կառուցվածքում երկրորդական նախադասությունները լրացնում են ոչ միայն գլխավորի որևէ անդամին, այլև նրա ամբողջ ծավալին. հետևաբար երկրորդական նախադասության լրացում լինելը գլխավորի ամբողջ ծավալին՝ դեռևս բավարար հիմք չէ այն համադասական համարելու: Հետևանքի անշաղկապ նախադասության դեպքում հաշվինք առնում գլխավորի և երկրորդականի ներքին իմաստային փոխհարաբերությունը՝ դոմինանտության տեսակետից, եթե հետևանք նշող նախադասությունը նկարագրում է մի այնպիսի գործողություն, որը իր բնույթով առաջանում է իբրև արդյունք իրեն նախորդող նախադասության գործողության, ապա այստեղ առկա է ստորադասական հարաբերություն:

«Տրտում է որի իմ մինչև ի մահ, կացե՛մ աստ և սկեցե՛մ ընդ իս» (Մատթ., զԷ. ԻԶ, 38):

«Եւ մինչդեռ նա խօսէր, գայ ոմն ի տանէ ժողովրդապետին և ասէ ցնա. ԼԷռաւ զոստրն քո, մի ին՝ աշխատ առնե՛ր զդա» (Ղուկ., զԷ. Ը, 49):

ՁեՎԻ ԱՆՇԱՀԿԱՊ ՆԱԽԱԴԱՍՈՒԹՅՈՒՆՆԵՐ

Դասական հայերենում շատ քիչ են հանդիպում ձևի անշաղկապ նախադասությունները, որոնք բացահայտում են գլխավոր նախադասության գործողության մի հանգամանք՝ կատարման եղանակի տեսակետից: Այս դեպքում նման կառուցվածքի բարդ նախադասությունները ունենում են հետևյալ առանձնահատկությունները. գլխավոր նախադասությունը միշտ առաջադաս է լինում, իսկ երկրորդական նախադասությունը՝ հետադաս. ըստ որում ձևի շարահյուսական իմաստի դրսևորման համար, իբրև կանոն, պարտադիր կերպով գլխավոր նախադասության մեջ պետք է հանդես գա այսպէս հարաբերյալը, հակառակ պարագային մենք չենք ունենա ձևի անշաղկապ երկրորդական նախադասություններ: Նման հանգամանքներում երկրորդական նախադասությամբ կոնկրետացվում, պարզարանվում և կամ էլ բացահայտվում է գլխավոր նախադասության մեջ հանդես եկած պարագայական բառը: Համեմատիր՝

...և գրե՛ ի վախճան թղթոյս այսպէս. Հարցանէ՛ զողջունէ՛ ձերմէ՛ նարկի-սոս... (Եվս. Կես., ՊԵ, 443):

«Ի սոյն գիրս դարձեալ Կղեմէս վասն կարգի աւետարանացն խօսելով՝ ըստ տուղութեան երիցանց անտի առաջնոց զնէ այսպէս. նախ գրեցան, ասէ, աւետարանքն...» (Ն. տ. 450):

ԶԻՋԱԿԱՆ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐ

Զիջական անշաղկապ նախադասությունները կիրառության սեղմ ոլորտ ունեն դասական հայերենում. շարահյուսական այս իմաստի դրսևորմանը իբրև քերականական միջոց ծառայում են գլխավոր և երկրորդական նախադասությունների բովանդակային հակադրությունը, ստորոգյալների կիրառության հատուկ եղանակը և շարահյուսությունը. ըստ որում գլխավոր նախադասության գործողությունը կատարվում է հակառակ երկրորդական նախադասության գործողությունից տրամաբանորեն բխող հետևության։ Այս տիպի բարդ նախադասության մասերի միջև շարահյուսությունը կայուն է. անշաղկապ երկրորդական նախադասությունը, իբրև կանոն, դրվում է գլխավորին նախադաս։

«Նափուղեայ են աչք մտաց մերոց և մարմնոց, բարբաջեմք, դայլ այլս խօսիմք» (Ոսկ. հ. 2, 530):

Ուշագրավ են այն կազմությունները, որոնց երկրորդական նախադասությունները ինչև առանց ստորադասական շաղկապի են, բայց գլխավոր նախադասությունները իրենց բառաշարքի սկզբում ունեն համադասական բնույթի ներհակական շաղկապ, որն ընդգծում է գլխավոր նախադասության «հակառակ հիմունքի» հասկացությունը բովանդակելը։

«Այո, ասէ, գեղեցիկ ըմբերանես, բայց ղխնդիրն ոչ լուծանես» (Ոսկ. հ. 2, 706):

«...Շոն բիր շարշարանս ընդունելով ի տէրունական տանէն ոչ կայ ի բաց. վարի և հալածի, սովի շուն առ դրունս տեառն իւրոյ և ոչ հեռանայ ի տանէ տեառն» (Ն. տ. 696):

Նկատենք, որ և շաղկապը այստեղ հանդես է եկել ներհակական իմաստով և շարահյուսական հոմանիշ է սակայն, բայց, այլ շաղկապներին։

Կառուցվածքի յուրօրինակ բնույթ ունեն այն բարդ նախադասությունները, որոնց ղիջական նշանակությունը ստացվում է երկրորդական նախադասության ստորոգյալի առանձնահատուկ կազմությամբ, առանց ղիջական շաղկապների մասնակցության՝ մի կողմից, իսկ գլխավոր նախադասությունները երկրորդականին կապվում են ներհակական իմաստի համադասական շաղկապներով մյուս կողմից։ Բնորոշ է, որ սույն տիպի բարդ նախադասությունների երկրորդական մասի գլխավոր ստորոգյալը, իբրև կանոն, լինում է անորոշ զերբայով կազմված իր խնդրի բայաձևով։

«Իսկ այն ցանկութիւն՝ ըսել ըսի ցանկութիւն, այլ ամօթոյ և պատժոցն տկն ունի. և յայսմ՝ կալ կայ աշխատութիւն, այլ յոյս հատուցմանն առնէ թեթև դաշխատութիւնն» (Ոսկ. հ. 1, էջ 21):

«Իսկ յԱրտաշիսէ մինչև ի ժամանակս մեր՝ զԲել զԲեցաւ ամենայն, բայց չեմ այնպէս հաւատարիմք որպէս զառաջինսն, առ քի չգոյէ ճշգրիտ կարգի յաջորդութեան մարգարիցն» (Եվս. Կես., ՊԵ, 174—5):

Ինչպես կարելի է դիտել վերորերյալ փաստերից, այս կարգի բարդ նախադասությունների գլխավոր և երկրորդական մասերի փոխհարաբերությունը, շարահասության առումով, նույնպես խստիվ կայուն է. երկրորդական նախադասությունը միշտ առաջադաս է լինում գլխավորին:

«Ջրագաւորսցն անուան զումարել զումարէ լոկ (պատմագիրն), բայց զգործս ինչ նոցա ոչինչ ճշդիւ պատմէ, կամ թէ չառնէ իսկ արժանի յիշելոյ, եթէ անտի թիւ թագաւորացն կարգիցի (Քրոնիկոն, մաս 1, 6):

«Ո՞չ դիտէք եթէ որ յասպարիսին ընթանան. ընթանալ ամենեւին ընթանան, բայց մի որ առնու զյաղթութեանն» (Թուղթ առ Կորնթ., գլ. Թ. 24):

* * *

Քննության առնելով դրարարի դասական շրջանի անշաղկապ բարդ նախադասությունների կառուցվածքը՝ իր ընդհանուր գծերով, հանգում ենք հետևյալ եզրակացություններին:

ա) Անշաղկապ բարդ նախադասությունների կառուցվածքում գլխավոր և երկրորդական նախադասությունների իմաստային փոխհարաբերությունը բացահայտվում է շնորհիվ նրանց միջև առկա շարահյուսական կախվածության և պայմանավորվածության, իմաստային ներքին սերտության:

բ) Ի տարբերություն շաղկապավոր և հարաբերական բառերով կազմված բարդ ստորադասական նախադասությունների, որոնց երկրորդական նախադասությունները իրենց շարահյուսական հիմնական պաշտոնը կատարելով, անդերձ սովորաբար օժտված են լինում հարակից բազմապիսի իմաստներով, անշաղկապ բարդ նախադասությունների ղեպքում նրանց երկրորդական նախադասությունները հիմնականում արտահայտում են շարահյուսական մեկ փմաստ: Բայց վերջիններս օժտված են նաև մի քանի դրական կողմերով. նրանց շարահյուսական իմաստը ընկալվում է, շնորհիվ առոգանության, ավելի անմիջական, զգացմունքային և էինդանի եղանակով:

գ) Անշաղկապ բարդ նախադասությունների կազմությանը, իբրև քերականական միջոց, մասնակցում և վճռական նշանակություն են ունենում շարահասությունը, բայական եղանակների և ժամանակների հատուկ կիրառությունները, առոգանությունը, հարաբերյալների և եղանակավորող բառերի առկայությունը և այլն:

դ) Դասական հայերենի շարահյուսական համակարգը ընդգրկում է գերազանցապես շաղկապավոր և հարաբերական բառերով կառուցված բարդ նախադասությունների հարուստ և զարգացած սիստեմով, որի նկատմամբ անշաղկապ բարդ նախադասությունները իրենց տարատեսակներով համեմատաբար շատ աննշան տեղ են զբաղում: Այդ փաստը, փր հերթին, նշանակում է, որ դասական հայերենը կանգնած է եղել իր ժամանակի քաղաքակրթված ժողովուրդների լեզվական մակարդակին՝ ի վիճակի լինելով ամենատարբեր վերացական գաղափարներ, բարդ ու նրբին մտքեր մարմնավորել շաղկապավոր բարդ նախադասությունների համակարգի շնորհիվ: Այս հետևության համար հիմք է ծառայում ընդհանուր լեզվաբանության այն պնդումը, ըստ որի դարգացման ցածր մակարդակի վրա գտնվող լեզուները ընդգրկում են սովորաբար պարզ նախադասությունների շարահյուսական համակարգով և մտքի կոնկրետություն մի պայմանավորված անշաղկապ բարդ նախադասություններով: